

RESOLUCIÓN REITORAL POLA QUE SE AMPLÍA A VALIDEZ DAS CERTIFICACIÓNS EXCLUÍDAS O 3 DE FEBREIRO DE 2023 POLA ASOCIACIÓN DE CENTROS DE LINGUAS DE ENSINANZA SUPERIOR (ACLES) DURANTE O CURSO 2022/2023 E PARA O ACCESO A TITULACIÓNS DURANTE O CURSO 2023/2024

Promover o coñecemento de idiomas é un dos eixes do plan de internacionalización lingüística da Universidade de Vigo, que ten como fin último dotar a comunidade universitaria das competencias plurilingües e pluriculturais necesarias para responder con eficacia aos retos dunha sociedade globalizada e culturalmente diversa. No marco deste eixe de actuación, o plan recolle a recomendación de que o estudantado de grao e mestrado deberá estar en condicións de acreditar unha competencia lingüística en, polo menos, unha lingua estranxeira. Xa que logo, algunhas titulacións establecen a acreditación dun nivel do Marco europeo de referencia para as linguas (MCER) como requisito de acceso e/ou como requisito para a finalización dos estudos e solicitude do título.

A Universidade de Vigo, segundo o acordo do consello de goberno do 21 de decembro de 2012, recoñece as acreditacións dos niveis de coñecemento en linguas estranxeiras recollidos no MCER que sexan emitidas polo Centro de Linguas da Universidade de Vigo ou por institucións coas que se teña asinado o convenio específico de recoñecemento, así como as acreditacións que figuren na táboa oficial de equivalencias da Asociación de Centros de Linguas de Ensinanza Superior (ACLES).

ACLES elabora e actualiza anualmente esta táboa co obxectivo de promover a estandarización de niveis de dominio de idioma e do seu sistema de avaliación, seguindo as directrices emitidas polo Consello de Europa. Na [revisión do 3 de febreiro de 2023](#), ACLES acordou deixar de incluír algunhas das certificacións.

Agora ben, esta reitoría considera que esta modificación pode prexudicar ao estudantado que realice estudos no curso 2022/23 ou que solicite a admisión en titulacións no curso 2023/24, e tendo en conta que a propia ACLES recoñece o dereito das universidades a aplicar unha moratoria na validez das certificacións excluídas, esta reitoría

RESOLVE,

Primeiro: Ampliar durante o curso 2022/23 a validez das certificacións que se relacionan no anexo, incluíndo os efectos de finalizar estudos en titulacións da Universidade de Vigo que así o requiran.

Segundo: Ampliar a validez das certificacións que se relacionan no anexo para o efecto de solicitar a admisión, no curso 2023/24, naquelas titulacións que establezan, entre os requisitos de acceso, a acreditación da competencia nunha lingua estranxeira.

Contra esta resolución poderase interpoñer recurso potestativo de reposición perante o reitor no prazo dun mes (Lei 39/2015, do 1 de outubro) e/ou recurso contencioso administrativo perante a xurisdición contencioso-administrativo, no prazo de dous meses (Lei 29/1998, de 13 de xuño). Os prazos empezan a



contar dende o día seguinte á recepción desta notificación. No caso de interpoñer recurso polas dúas vías, é preciso esperar a resolución expresa ou presunta do de reposición.

Vigo, na data da sinatura dixital

O reitor,

Por delegación R.R. 22/06/2022 (06/07/2022)

A vicerreitora de Internacionalización,

M^a Isabel del Pozo Triviño

ANEXO

Certificacións das que se prorroga a validez

IDIOMA INGLÉS

Cambridge Assessment: Linguaskill

Cambridge: Linguaskill Business ¹

British Council: APTIS ESOL ¹

CAPMAN Testing Solutions 360 LPT ¹

BUSINESS LANGUAGE TESTING SERVICE (BULATS) ¹

IDIOMA FRANCÉS

BUSINESS LANGUAGE TESTING SERVICE (BULATS) ¹

IDIOMA ALEMÁN

BUSINESS LANGUAGE TESTING SERVICE (BULATS) ¹

¹ Requiren a superación das catro macro destrezas

